



Universitätsbibliothek Paderborn

Dissertationes De Actibus Humanis

Karchne, Simon

Augustæ Vindelicorum & Græcensis, 1716

§. XI. An detur actus moralis indifferens ad moralem bonitatem, &
malitiam, sive ad merendum, & demerendum?

urn:nbn:de:hbz:466:1-39981

Hinc est disparitas, cui actus extensis obtinetur positione soliternus non augeat vim merendi; finis ius actus interni de se namque præmij est incitatio ad virtutem, qui finis efficacis,

S. XI.

An detur actus moralis indifferens ad moralem bonitatem, & malitiam, sive ad merendum & demerendum?

577. **D**upliciter potest actus moralis, seu liber esse indifferens ad honestatem, & inhonestatem. Primo secundum speciem. Secundo in individuo. Indifferens secundum speciem hoc loco dicitur actus, qui præcisè ex objecto, à quo specificatur, sive qui ex ratione sua specifica, seu tendentia in objectum suum ut præcimum à circumstantijs, nec sit moraliter bonus, nec moraliter malus: ejusmodi actus sunt ambulatio, locutio, cogitatio &c. ut sic præcisè spectata.

Verum quia nullum individuum est realiter ponibile sine omnibus circumstantijs ad actum in individuo requisitis antecedentibus, comitantibus & consequentibus (ab his enim plenè singularizantur, seu ultimo determinatur in sui exercito ad bonitatem, aut malitiam saltem materialem in individuo) quæstio est: an aliquis actus moralis non modo spectato ejus directo objecto, ac principali, sed sumptus cum omnibus circumstantijs propositis voluntati, sit moraliter nec bonus, nec malus? si talis detur,

hic est in individuo indifferens, secùs si non datur.

Conveniunt Doctores: quod per accidens detur actus indifferens tam secundum speciem, quam in individuo contra Pallavic. & Esparza. Nempe defectu advertentiæ ad malitiam, & bonitatem materialem objecti, & circumstantiarum; aut posito errore invincibili, quod actus sit indifferens tam quo ad objectum, quam quo ad finem, & circumstantias.

Questio igitur est: an per se loquendo datur actus tam quoad speciem, quam quoad individuum indifferens indifferentia potissimum materiali, seu re ipsa illi conveniente, qui cum veritate seu secluso errore propositus nec honestus, nec turpis apparcat, nec sit præceptus à DEO, nec prohibitus, nec consultus, sed permisus ac etenus licitus?

Prima opinio Pallavicini apud Haubold lib. 2. Theolog. num. 367. negat actum tam quoad speciem, quam in individuo indifferente. Comunior Tho-

mi-

mistarum concedit quoad speciem, secūs
quoad individuum, apud Vasq. 1. 2. D.
52. cap. 1. quorum opinio judice Vasq.
cap. 2. est satis probabilis: ipse verò ibi,
& sequentibus cum Scotistis defendit a-
ctuum indifferentiam secundum speciem,
ac in itaividuo.

578. Dico primò: dari actus tam
internos, quam externos humanos se-
cundum speciem indifferentes. Proba-
tur ex S. Hyeronimo in Epist. ad Au-
gust. expresse docente: quod ambulare,
nares emundgere, sputa ejicere nec ba-
num nec malum sit.

Ratio est: quod quædam objecta
secundum se spectata seclusis circumstan-
tijs nec sint à DEO prohibita, nec præ-
cepta: ut ambulare, barbam fricare, se
calefacere &c. nulla enim in his relucet
materialis honestas, aut turpitudo, seu
nec placent, nec displicant voluntati.

Dico secundo per se loquendo dari
non posse actum in individuo indifferentem
indifferentia morali materiali, pro-
inde omnis actus liber in individuo est
moraliter bonus, aut moraliter malus seu
formaliter imputabilis ad laudem, aut vi-
tuperium. Nisi, uti ex Doctorum con-
fensu præmisi, interveniat defectus ad-
vertentia, aut error invincibilis, proba-
tur: omnis actus voluntatis fertur, vel
in media, vel in finem: si in finem, hic
aut est honestus, aut dishonestus: aut ju-
cundus sive delectabilis. Si est honestus,
jam intentio ejus est moraliter bona: si
dishonestus, est moraliter mala: si dele-
ctabilis, delectabilitas, vel intenditur ut
finis ultimus, vel ut finis non ultimus,
vel ut finis non ultimus, sed subordina-
tus: si intenditur ut finis ultimus, eo

ipso intentio est turpis, cum recta ratio
improbet delectationem statuere pro fine
principalis, hoc enim est contra ordinem
à natura intentum. Natura enim ordi-
nem intendit in eo situm, quod aliqua
ordinet ad finem, seu semper assumat ut
media; tale bonum est bonum delecta-
bile, quale quod natura nunquam inter-
dat ut finem, sed ut medium, colligitur
ex propositione 8. & 9. Innoc. XI. prior
ita sonat: *Comedere, & bibere usque*
ad satietatem ob solam voluptatem
non est peccatum &c. posterior est ita:
opus conjugij ob solam voluptatem ex-
ercitum omni penitus caret culpa, ac
defectu veniali. Ex his propositioni-
bus est manifestum, quod voluptas ut fi-
nis prefixa comedioni, & copulae sit finis
inhonestus. At si quis comedat cum vo-
luptate, aut copulam conjugalem exer-
ceat ordinando ejusmodi voluptatem in
primo casu ad viræ conservationem, in
secundo ad prolis generationem caret
omni culpi.

Si autem delectabilitas amatur ut fi-
nis subordinatus, tunc amatur ut medi-
um electum ex intentione ulterioris finis
hic, vel est bonum honestum, aut inho-
nestum, aut delectabile. Si primam:
est actus honestus, si secundum, est in-
honestus: si tertium, redit argumen-
tum proxime factum, ostendens pariter
esse actum dishonestum.

Si actus fertur in media: tunc hæc
vel sunt honesta, vel dishonesta, vel de-
lectabilia: ubi rursum argumentum fa-
ctum de fine reponitur.

579. Obijcies primò: repugnat
species, in qua non sit possibile ullum
individuum, sed possibilis est actus se-
cun-

secundum speciem indifferens ad bonum, & malum moraliter, ergo etiam est possibilis quoad individuum.

Respondeo: eo sensu, quo datur actus indifferens secundum speciem, videlicet praeceps, id est, relate ad objectum praeclsum à circumstantijs, etiam datur indifferens in individuo; secus realiter, & positivè consideratus secundum omnes circumstantias illum individuantes. Datur igitur actus in individuo indifferens indifferentia praeclsa secus indifferentiam positivam, & omnibus pensatis, inter quæ præcipue est finis.

Objicies secundò: si cunctis actibus est præfigendus finis honestus: datur præceptum hujus obligationis, sed non datur primò: quia moraliter est observari impossibile; secundò: quia homo elevatus ad finem supernaturalem obligatur operari ex motivo supernaturali Charitatis: est enim in statu supernaturali, & amicus DEI, ergo obligatur operari ex motivo amicitiae: sicut, quia est rationalis ac discernit honestum ab in honesto, obligatur operari ex motivo honesto.

Respond. concessa majori nego minorem; præceptum hoc fundatur in ipsa natura rationali, huic enim necessario consonat, quidquid invertit ordinem à natura intentum; operans autem ex fine non honesto invertit hunc ordinem per num. 578. Ad probationem primam nego assumptum: dum quis operatur moraliter, id est, deliberate, quia

operans deliberate semper considerat, an sit licita, aut illicita actio? si est licita, & operatur ideo, quia est licita, id est, non vetita, sed permissa: jam est operatio honesta, in quo operandi modo nulla est moralis impossibilitas.

Hinc ad secundam probationem: nego esse obligationem semper operandi ex motivo supernaturali, aut ex motivo charitatis, quia tam lex supernaturalis, quam amicitia erga DEUM permituit, ut operemur pure ex hoc motivo quia actio est licita.

Quæres: an opinio stans pro indifferenti moralis actuum in individuo sit damnata in relatis num. 578. propositionibus 8. & 9. Affirnat Filguera apud Cardenas Dissert. 8. num. 15.

Respondeo negativè cum eodem num. 17. & Dominico Viva, ad easdem propositiones num. 13. quia hæc propostio: *licitus est actus in individuo indifferens*, quod non sit damnata formaliter est certum, utpote non idem significans: etiam non est damnata virtualiter: quia non est antecedens, ex quo legitime inferatur damnata, consequentia enim ista est nulla: dantur aliqui actus in individuo indifferentes; vel licitus est actus in individuo indifferens, ergo licitum est comedere aut uxori copulari ob solam voluptatem; est enim argumentum à particulari ad singulare,

quod non valet.

**